

Headline	Tanam atas bumbung cegah banjir kilat		
MediaTitle	Sinar Harian (Utara)		
Date	27 Jun 2014	Color	Full Color
Section	NEWS	Circulation	25,000
Page No	44	Readership	75,000
Language	Malay	ArticleSize	207 cm ²
Journalist	N/A	AdValue	RM 1,194
Frequency	Daily	PR Value	RM 3,582



Patahiah (tiga, kiri) selepas merasmikan IFPRA di sebuah hotel, semalam.

Tanam atas bumbung cegah banjir kilat

BATU FERRINGHI - Menanam tumbuh-tumbuhan di atas bumbung adalah antara salah satu cara bagi mengurangkan banjir kilat, demikian menurut Pembantu Setiausaha Persatuan Rekreasi dan Taman Malaysia (MyPARK), Noriah Mat.

Menurutnya, tumbuh-tumbuhan yang berada di atas bumbung dapat memerangkap air hujan seterusnya mengelakkan banjir kilat di kawasan bandar.

“Dengan kurangnya air hujan di kawasan tanah, ia sekali gus membantu mengurangkan banjir.”

“Kajian awal ini menunjukkan ia antara langkah paling berkesan dan dalam masa yang sama menggunakan sepenuhnya ruang atas di bahagian bangunan tinggi di sekitar bandar raya utama,” katanya.

Beliau berkata demikian pada Persidangan Malaysia Urban Green Space and International Federation of Parks Recreation Administration (IFPRA) Asia Pacific 2014 di Hotel Bayview Beach Batu Ferringhi.

Persidangan pertama kali diadakan di negara ini turut mendapat kerjasama Majlis Perbandaran

Pulau Pinang (MPPP) dari dihadiri kira-kira 100 peserta dari dalam dan luar negara.

Hadir sama Yang Dipertua (YDP) MPPP, Datuk Patahiah Ismail dan Pengarah Bahagian Perhutanan dan Alam Sekitar Institut Penyelidikan Perhutanan Malaysia (FRIM), Dr Ismail Harun.

Ismail berkata, FRIM kini turut menyediakan perkhidmatan perundingan pengurusan pokok serta kawasan hijau bandar kepada kerajaan tempatan.

Menurutnya, langkah tersebut bagi memperluaskan kawasan bandar hijau seterusnya memberi keselesaan kepada masyarakat.

“Kawasan hijau dalam bandar sangat penting kerana proses urbanisasi sedang membangun dengan pesat di negara kita.

“Malah kami juga percaya taman yang diuruskan baik dalam kawasan bandar dapat menjadi tarikan utama kepada pelancong,” katanya.

Beliau turut menambah kawasan hijau di dalam bandar dapat mengurangkan bunyi dan pencemaran udara.

“Jadi kita mesti memulihara semua kawasan yang sedia ada dengan memastikan pengurusanannya mampan,” katanya.